

www.BibleForChildren.org

မာထဲ 26



ပသခါပွဲခံချိန်
ခြောက်ရက်လို့
သောအခါ သေလွန်ပင်းမှ
ပြန်ယွေ့ အသက်ပြန်ဆုင်ခဲ့သူ
လာဇရု နေထိန်ရာဖြစ်သော
ဗေသနိရှာဟို
ယေရှုရောက်လာအယ်။

အဲအခါ မာရိဟ ရမ်းဆာ့အဖိုးထိုက်သော
နာဒုဆီမွေးအစစ် သုံးဆယ်သားဟို ယူယွေ့ ယေရှုရဲ့
ခြေဟို ဆီလိမ်းပင်း မိမိဆံပင်နဲ့ သုတ်အယ်။




အေးဆီမွှေးရဲ့


ရနံ့ဟာ

နေအိုင်တခုလုံးဟို

မွှေးကြိုင်လျက် ဆီအယ်။



အေးနောက် တဆယ့်နေပါးသော တဘွဲတော်လို့ထဲမှ
တပါးဖြစ်သော ယုဒရှုကာရုတ်ဟ၊
ယဇ်ပုရောဟိတ်ကြီးများ လက်သို့
ယေရှုဟို သစ္စာဖောက်ရန်
သူလို့ဆေသို့သွားအယ်။



သူပြောတဲ့ စကားဟို ကြားရတော့ သူ့လိုဟ ဝမ်းသာကြပေယွ!

သူ့အား ငွေပေးမယ်လို့ ကတိပြုကြအယ်။

အေးလို့မို့ ယုဒဟာ ယေရှုဟို သူ့လို

လက်ထဲဟိုအပ်ရန်

အခွင့်ကောင်းဟို

စတင် ဆှာလျက်

နေအယ်။



တဘဲတော်လို့ဟလည်း

ယေရှုမိန့်လဲ့အတိုင်း

လိုက်နာဆောင်ရွက်ယွေ့ ပသခါပွဲဟို
အသင့်ပြင်ကြအယ်။ ယေရှုဟ သူလို့

စားလျက်နေစဉ် မုန့်ဟို ယူယွေ့

ကျေးဇူးတော်ဟို ချီးမွန်းပင်း

မုန့်ဟိုဖဲယွေ့

“ဟေမုန့်ဟ ငါရဲ့

ခန္ဓာကိုယ် ဖြစ်အယ်၊

ယူယွေ့ စားကြလော့” ...



... ဟု မိန့်ပင်းရင် တဘွဲတော်လို့အား

ပေးအယ်။ အဲပင်းရင် မုတ်ဟို

ယုယွေ ဘုရားသခင်ရဲ့ ကျေးဇူးတော်ဟို

ချီးမွန်းပင်းနောက် တဘွဲတော်လို့အား

ပေးအယ်။



ကိုယ်တော်ဟာ "နင်လို့အားလုံး
ဟေမုတ်ဟို သောက်ကြလော့။

ဟေစာဟ ဘုရားသခင်ရဲ့ ပဋိညာဉ်တော်ဟို
တံဆိပ်ခတ်သော လူတို့အပစ်
ဖြေလွှတ်ရန်အတွက် သွန်းသော ငါရဲ့
အသွေးဖြစ်အယ်။"



“ရိုမန်၊ ရိုမန်၊ နားထောင်လော့။ ဂျုံစပါးဟို ဆန်ကာချသလို
နင်လိုအားလုံးဟို စစ်ဆေးဖို့ စာတန်ဟ အခွင့်ရလေပီ။
အဲလိုလဲ နင်ရဲ့ ယုံကြည်ခြင်း မဆုံးရှုံးမဲ့အကျောက်နား၊ နင့်အတွက်
ငါ ဆုတောင်းလေပီ။ နင်ဟ သတိရပြန်သောအခါ နင်ရဲ့

ညီအကိုလိုဟို
တည်ကြည်စေလော့”
ဟု ပြောလေအယ်။



ပေတရုဟ “သခင်၊ ငါဟ ကိုယ်တော်နဲ့အတူ ထောင်ထဲဟို
သွားရန်နဲ့ ကိုယ်တော်နဲ့အတူ သေဖို့ အသင့်ဆီပါအယ်” ဟု
ပြန်ဖြေအယ်။ ယေရှုဟ “ပေတရု၊ နင့်ဟို ငါ ပြောတာဟ ခန့်ည
ကြက်မတွန်ခင် နင်ဟ ငါ့ဟို မသိဟု သုံးကြိမ်မြောက်အောက်
ငြင်းဆိုလိမ့်မယ်” ဟု
ပြောအယ်။



အေးနောက် ယေရှုဟ
တဘဲတော်လို့နဲ့အတူ
ဂေသရှေ့မန် ဟုခေါ်သော
အရပ်ဟို ရောက်ဆီအယ်။
ကိုယ်တော်ဟ “ငါဟ
အေးနေရာဟို သွားယွေ့
ဆုတောင်းနေစဉ် နင်လို့
ဟေနေရာတွင် ထိန်နေကြလော”



... ဟု တဘွဲတော်လို့အား
မိန့်ပင်းရင် ပေတရုနဲ့
ဇေဗဒဲရဲ့သားနေယောက်လို့ဟို
ကိုယ်တော်နဲ့အတူ ခေါ်သွားအယ်။
ကိုယ်တော် ဆုတောင်းတာဟာ
"အဖါ" "ငါ့ အဖါ
ကိုယ်တော်အတွက် အရာခပ်သိမ်းဟာ
တတ်နိုင်ပါအယ်။"



“ဟေဒုက္ခဝေဒနာခွက်ဟို
ငါ့ဆေမှ လွဲဖယ်ပေးပါ။
အဲလိုလဲ ငါရဲ့ အလိုအတိုင်း
မဟုတ်ဘဲ၊ ကိုယ်တော်ရဲ့
အလိုအတိုင်း ဖြစ်စေမှုမန့်”
ဟု ဆောက်အယ်။



အဲလိုမို့ သူဟ ရောမစစ်သားတတပ်၊ ယဇ်ပုရောဟိတ်ကြီးလို့နဲ့

ဖာရိရှဲလို့ရဲ့ စေလွှတ်လိုက်သော

အစောင့်တပ်သားများဟိုလည်းကောင်း ခေါ် ခဲ့အယ်။

သူလို့ဟ မီးဖူးများ၊ မီးတုတ်များနဲ့

လက်နက်များဟို

ကိုင်ဆောင်လာကြအယ်။

တဘွဲတော် တယောက်ဟ


ယဇ်ပုရောဟိတ်မင်းရဲ့

ကျွန်တယောက်ဟို ထားဖြင့်

ခုတ်သဖြင့် ညာဖက် နားရွက်ပြတ်လေအယ်။



အဲလိုလဲ ယေရှုဟာ "တန်ကြတော့"
ဟု ပြောအယ်၊ အေးသူရဲနားရွက်ဟို
လက်တော်ဖြင့် တို့ထိယွေ့
သူ့အနာဟို ပျောက်စေလေအယ်။



သူလို့ဟာ ယေရှုဟို ဖမ်းဆီးယွေ့ ယဇ်ပုရောဟိတ်မင်းရဲ့
အိုင်တော်ဟို ခေါ်ဆောင်သွားကြအယ်၊ ပေတရုဟ
ခပ်ခွာခွာမှ လိုက်လာခဲ့အယ်။



လူအချို့ဟာ အိုင်တော်ဝင်း အလယ်တွင် မီးဖိုယွေ့
ထိန်နေကြအယ်။ ပေတရုဟ သူလို့ရဲ့
အကြားတွင် ဝင်ယွေ့
ထိန်အယ်။



ပေတရု ခုတ်ယွေ့
နားရွက်ပြတ်သောသူနဲ့
ဆွေမျိုးတော်စပ်သော
ယဇ်ပုရောဟိတ်မင်းရဲ့
ကျွန်တယောက်ဟာ၊ "နင့်အား
အေးသူနဲ့အတူ ဥယျာဉ်ထဲတွင်
ငါမျှော်ခဲ့တာ မဟုတ်လော"
ဟု မေးလေအယ်။



ပေတရုဟ "ငါ မဟုတ်" ဟု
တဖန် ငြင်းပြန်အယ်။

ခုတုံးပင်

ကြက်တွန်လေအယ်။


ပေတရုဟ အပြင်ဟို ထွက်ယွေ့

ရမ်းဆာ့ဝမ်းနဲစွာ ငိုကြွေးလေအယ်။



အဲပင်းရင် တရားလွတ်တော်တဖွဲ့လုံးဟ
ထယွေ့ ယေရှုအား ပိလတ်မင်းဆေဟို
ခေါ်ဆောင်သွားကြအယ်။ ပိလတ်မင်းဟ
ကိုယ်တော်အား “နင်ဟ
ယုဒဘုရင် ဟုတ်လော” ဟု
မေးအယ်။ ယေရှုဟ “မင်းကြီး

မေးလဲ့အတိုင်း မန်အယ်”




ပိလတ်မင်းဟာ ယေရှုအား
လွတ်ငြိမ်းချမ်းသာခွင့် ပေးချင်ယွေ့
လူအုပ်ကြီးအား တခါ တင်ပြလေအယ်။
အဲလိုလဲ သူလိုဟာ "သူ့ဟို
လက်ဝါးကပ်တိုင်မှာ တင်မန့်၊
သူ့ဟို လက်ဝါးကပ်တိုင်မှာ


တင်မန့်" ဟု



အဲအခါ ပိလတ်မင်းဟာ ယေရှုဟို
လက်ဝါးကပ်တိုင်တွင် တင်ယွေ့သတ်ရန်
အေးသူလို့လက်သို့ အပ်လိုက်အယ်။ အဲလို့မို့
သူလို့ဟာ ယေရှုဟို ခေါ်ဆောင်သွားအယ်။



ကိုယ်တော်ဟာ "ဦးခေါင်းခွံအရပ်"
ဟူယွေ့ နာမယ်တွင်သောအရပ်ဟို
မိမိလက်ဝါးကပ်တိုင်ဟို ထမ်းလျက်
ကြွအယ်။ အဲအရပ်ဟို ဟေပြဲစကားဖြင့်
"ဂေါလဂေါသ" ဟု နာမယ် ဆိအယ်။



သူလို့ဟ အဲအရပ်နှိုက် ကိုယ်တော်ဟို

အခြားသူနေယောက်လို့နဲ့အတူ

လက်ဝါးကပ်တိုင်အပေါ်နှိုက်

တင်ကြပင်း

ယေရှုဟို


အလယ်နှိုက် ထားယွေ့

အဲသူနေဦးလို့ဟို ကိုယ်တော်ရဲ့


တဖက်တချက်စီ ထားအယ်။



အဲအချိန်မှာ မွန်းတည့်အချိန်လောက် ဖြစ်ယွေ့ အေးအချိန်မှစယွေ့
မွန်းလွဲသုံးနာရီအထိ မြေတပြင်လုံးတွင်
နေရောင်အလင်းကွယ်ယွေ့
မိုက်အတိကျရောက်ပင်း
ဗိမာန်တော် ကန့်လန့်ကာဟလည်း
နေခြမ်းကွဲလေအယ်။



ယေရှုဟာ "တို့ဖ၊ ငါ့ရဲ့ ဝိညာဉ်ဟို ကိုယ်တော်ရဲ့ လက်ဟို
အပ်အယ်" ဟု ကျယ်လောင်သော အသံဖြင့် အော်ကပင်း
အသက်ချုပ်လေအယ်။



အရိမသယံမြို့သား ယောသပ်
ရောက်လာသောအခါ
ညနေစောင်းနေပီ။
သူဟာ ဂုဏ်အသရေ
ကြီးမြင့်သူ။

တရားလွတ်တော်အဖွဲ့ဝင်
ဖြစ်ပင်း၊ ဘုရားသခင်ရဲ့
နိုင်ငံတော်တည်မဲ့အချိန်ဟို
စောင့်မျှော်နေသူဖြစ်
စ်အယ်။



အဖိတ်နေ့ (ဥပုသ်နေ့) ဖြစ်သောကျော့နံ့

ယောသပ်ဟ ပိလတ်မင်းဆေသို့

ရဲရင့်စွာ သွားယွေ့ ယေရှုရဲ့

အလောင်းဟို

တောင်းလေအယ်။

ယောသပ်ဟ



ပိတ်ချောဟို
ဝယ်ယွေ့ အလောင်းဟို
လက်ဝါးကပ်တိုင်မှ
ချယွေ့ ပိတ်ချောဖြင့်
ပတ်ကာ၊ ကျောက်ဆောင်ဟို
ထွင်းထားလဲ့ လုတ်တိုင်းဂုနီက်
ထားလေအယ်။



အဲပင်းရင် လုတ်တိုင်းဝတွင်
ကျောက်တုံးကြီးဟို
လှိုမ်ချလိုက်အယ်။



နောက်တနေ့ ကုန်လွန်ယွေ့
ဥပုသ်နေ့ရောက်သော်
ယဇ်ပုရောဟိတ်ကြီးများနဲ့
ဖာရီရဲများဟာ ပိလတ်မင်း
ဆေဟို သွားပင်းရင် . . .



... “ဆရာ၊ အေးလူလိမ်
အသက်ဆိုင်စဉ်အခါဟ
'ငါသည် သုံးရက်ကြာရင်
သေခြင်းမှ ထမြောက်မယ်'
ဟု ဟောခဲ့တာဟို ငါလို့
မှတ်မိအယ်။”



“သို့ဖြစ်ယွေ့ အေးသူလို့ဟာ
လုတ်တိုင်းဂုသို့ သွားပင်းရင်
ကျောက်တုံးဟို
တံဆိပ်ခတ်နှိပ်ကာ
အစောင့်တပ်များဟို
ချထားကြအယ်။”



ဥပုသ်နေ့ပင်းနောက် တနင်္ဂနွေနေ့

မိုးလင်းခါနီး အချိန်နီကံ

မာဂဒလမြို့သူ မာရိနဲ့

တခြားမာရိလို့ဟ

လုတ်တိုင်းဟို

သွားကျေ့ကြအယ်။


ရုတ်တရက်
ပြင်းလဲ့
မြေငလျင်လှုပ်
လေအယ်။



အကျောက်တုံးမှာ ဘုရားသခင်ရဲ့
ခေါင်းခင်တမန်ဟ ခေါင်းခင်ဘုံမှ
ဆင်းလာယွေ့ ကျောက်တုံးဟို
တွန်းဖယ်ပင်း

အဲကျောက်တုံးပေါ်မှာ
ထိန်နေသောကျောက်
ဖြစ်အယ်။

အစောင့်တပ်သားများဟ
ခေါင်းခင်တမန်ဟို ရမ်းဆာ
ကြောက်လန့်သဖြင့်
တုန်လှုပ်ကာ လူသေလို့မျိုး
ဖြစ်သွားကြအယ်။



ခေါင်းခင်တမန်ဟာ မိန်းမလို့အား

“မကြောက်ကြနဲ့၊

လက်ဝါးကပ်တိုင်တွင်

တင်ယွေ့သတ်ခံရသော

ယေရှုဟို နင်လို့

ဆာနေကျောင်းဟို



ငါသိအယ်။”



“ကိုယ်တော်ဟာ ဟောနေရာနှိုက် မဆီ

မိန့်ခဲ့လဲ့အတိုင်း


ဆုင်ပြန်ထမြောက်ပီ။

ကိုယ်တော်

လျောင်းတဲ့နေရာဟို

လာပင်း ကျေ


ကြလော့။”



အဲမိန်းမလို့ဟာ ကြောက်လန့်ကြသော်လည်း
ရမ်းဆာ့ ရွှင်လန်းဝမ်းမြောက်စွာ
လုတ်တိုင်းဂူမှ မြန်မြန်ထွက်ခွာယွေ့
တဘုံတော်လို့အား အေးသတင်းဟို
ဟောကြားရန် ပြေးကြအယ်။



အဲဒါအချိန်နီကိတ် ယေရှုဟာ သူ့လို့ဆေဟို
ရောက်ဆိလာကာ “နင်လို့ဟာ
မင်္ဂလာဆိပါစေသော” ဟု မိန့်အယ်။
သူ့လို့ဟာ အထံတော်ဟို ချဉ်းကပ်ယွေ့
ခြေထောက်ဟို ဖက်ယမ်းလျက်



ပျပ်ဝပ်ရိုခိုးကြအယ်။



အဲပင်းရင် ယေရူဟာ တဆယ့်တပါးသော တဘွဲတော်လို့အား
စားသောက်နေစဉ် သူ့လို့ဟို ကိုယ်ထင်ပြုလေအယ်။ သူ့လို့တွင်
ယုံကြည်ခြင်းမဆီသောကျောနဲ့ ကိုယ်တော်အား
ဖူးမျော်ရသူလို့ရဲ့စကားဟို မယုံနိန်လောက်အောန် သူ့လို့ဟာ
ခေါင်းမာသောကျောနဲ့ ကိုယ်တော်ဟာ သူ့လို့အား
ပစ်တင်ဆုံးမလေအယ်။ သခင် ယေရူဟာ သူ့လို့နဲ့
စကားပြောပင်းနောက်၊ ခေါင်းခင်ဘုံသို့ ဆောင်ယူခြင်းဟို ခံပင်း
ဘုရားသခင်ရဲ့ လက်ယာတော်ဖက်တွင် ထိန်နေအယ်။





ဘုရားသခင်ဟ
လောကသားလို့ဟို

ရမ်းဆာ့ ချစ်သောကျောနဲ့ မိမိရဲ့တပါးတည်းသော
သားတော်ဟို ပေးအယ်၊ အဲဟာဟ သားတော်ဟို

ယုံကြည်သောသူတိုင်း မပျက်စီးဘဲ

တာဝရအသက်ဟို ရဆိစေရန်

ဖြစ်အယ်။



ရောမ 3:23 လူတိုင်းဟာ အပစ်ပြုကြပင်း ဘုရားသခင်ရဲ့
ကယ်တင်ခြင်း မျက်မှောက်တော်နဲ့ ဝေးကွာအယ်။

ရောမ 6:23 အကျောန်းမှာ အပစ်တရားရဲ့ အခဟ သေခြင်းဖြစ်ပေမဲ့
ဘုရားသခင်ရဲ့ အလကားကား လက်ဆောင်ဟာ ငါလို့ အဆုတ်
ခရစ်တော် ယေရှုနဲ့ တလုံးတဝတည်းဖြစ်ခြင်းအားဖြင့် ရဆိလဲ့
ထာဝရ အသက် ဖြစ်အယ်။

ဟေဗြဲ 9:27 လူဟာ တကြိမ်တည်း သေယွေ့ အေးနောက်မှ
ဘုရားသခင်ရဲ့ တရားစီရင်ခြင်းဟို ခံရအယ်။



ဖေကံ 2:8,9 အကျောနံးမှာ ယံကြည်ခြင်းအားဖြင့် နင်လို့ဟ
ဘုရားသခင်ရဲ့ ကျေးဇူးတော်ကျောနံ့ ကယ်တင်ခြင်းသို့ ရောက်ကြပီ။
နင်ရဲ့ ကြိုးစားအားထုတ်မှုရဲ့ ရလဒ်မဟုတ်ဘဲ ဘုရားသခင်ရဲ့
လက်ဆောင် ဖြစ်အယ်။ အေးလို့မို့ စသူမှ ဝါကြွားစရာ
အကျောနံးမဆိ။

ရောမ 10:9,10 နင်လို့ဟ “ယေရှုဟ သခင် ဖြစ်အယ်” ဆိုတာဟို နင်ရဲ့
စလောင်ဖြင့် ဝန်ခံယွေ့၊ ဘုရားသခင်ဟ အေးသူဟို သေခြင်းမှ
ထမြောက်စေပီဟု စိတ်နေလုံးထဲနိုက် ယံကြည်ရင်၊ နင်လို့ဟ
ကယ်တင်ခြင်းဟို ရောက်လိမ့်မယ်။ အကျောနံးမှာ ငါလို့ စိတ်နေလုံးနဲ့
ယံကြည်ခြင်းအားဖြင့် ဖြောင့်မတ်ခြင်းဟို ရအယ်။ စလောင်ဖြင့်
ဝန်ခံယွေ့ ကယ်တင်ခြင်း ခံရအယ်။



ယောဟန် 3:16,17 ဘုရားသခင်ဟာ လောကသားလို့ဟို ရမ်းဆာ့
ချစ်သောကျောနဲ့ မိမိရဲ့တပါးတည်းသော သားတော်ဟို ပေးအယ်။
အဲဟာဟာ သားတော်ဟို ယုံကြည်သောသူတိုင်း မပျက်စီးဘဲ
ထာဝရအသက်ဟို ရအိစေရန် ဖြစ်အယ်။ အကျောနိုးမှာ
ဘုရားသခင်ဟာ သားတော်ဟို ဟောလောကသို့ စေလွှတ်တာဟာ
လောကသားလို့ဟို အပစ်စီရင်ရန် မဟုတ်။ အဲလိုလဲ
လောကသားလို့ဟာ သားတော်အားဖြင့် ကယ်တင်ခြင်း
ခံရရန်အတွက် ဖြစ်အယ်။



၁ ယောဟန် 5:11-13 အဲသက်သေခံချက်မှာ ဘုရားသခင်ဟ
ငါလို့အား ထာဝရ အသက်ကို ပေးပင်း အဲအသက်ဟ ဘုရားသခင်ရဲ့
သားတော်နှိုက် ဆီအယ်ဟုယွေ့ ဖြစ်အယ်။ သားတော်ကို
ရဆီသောသူဟ အသက်ကို ရအယ်။ ဘုရားသခင်ရဲ့ သားတော်ကို
မရဆီသောသူဟ အသက်ကို မရ။ ဘုရားသခင်ရဲ့ သားတော်ကို
ယုံကြည်သောသူ နင်လို့ဟ ထာဝရ အသက်ကို ရဆီကျောန်း
သိကြစေရန် ဟေအကျောန်းအရာများကို ငါ ရေးလိုက်အယ်။



မာထဲ 26-28; လုကာ 22-24; ယောဟန် 13-21

Storyline by: Edward D. Hughes

Illustrated by: Janie Forest
and Alastair Paterson

Adapted by: Lyn Doerksen

Danu NT (dnv) © The Word for the World International,
2024.

<https://www.bible.com/en-GB/bible/3789/MAT.1.NTDNB24>

©2026 Bible for Children, Inc.

www.M1914.org

www.bibleforchildren.org

